

全華叢書



全華策書



詩集傳名物鈔卷第六

元許謙撰

郡後學胡鳳丹月樵校梓

小旻

小四十一變十九

王惑邪謀不能從善

經

一章言君邪辟不用善謀而用不臧二章言臣阿比共違善謀而從不臧一章之謀猶君之謀猶也二章之謀猶臣之謀猶也一章謀臧之謀指臣之謀二章謀之之謀指眾人之謀也三章又言臣無有任責而決眾謀四章

又言君臣不法古而無遠慮五章言天下未
嘗無才但不能用之則望望而去六章言爲
國者當於事未形者戒謹恐懼以終之

傳○一章辟音僻斷丁貫反○二章相和之和去
聲詆多禮反○三章數音朔○五章治直吏反
○卒章易以豉反喪息浪反○題下別彼列反
去起呂反

小宛

小四十二變二十

遭亂兄弟相戒免禍 異

經

此詩遇亂而戒兄弟修德以免禍修德當法
其親免禍則謹其德前四章修德之事後二
章免禍之意一章宛彼鳴鳩本不能高舉今
乃能飛戾于天以興人皆可學而進其德也
父母之賢晝夜思以效之二章之人卽接一
章之人蓋其父實賢者而敗德賈禍莫甚於
酒故先當慎三章言不但自敬其身又當教
其子孫亦爲善四章言脊令飛鳴無有止息
人當視之自力勇往爲善無辱父母五章言

亂世不能自容如此卒章戒慎之意謂溫溫
恭人則可免禍也下五句皆因溫溫恭人一
句而言

傳○一章詩緝鳴鳩鵲鵲也卽氓詩食甚之鳩郊
子所謂鵲鳩氏司事莊子所謂鷺鳩也爾雅鷓
鳩鷓鵲似山鵲而小短尾青黑色多聲舊說及
廣雅皆云斑鳩非也鳴鳩小物決起而飛槍榆
枋時則不至控於地而已矣今飛戾天勉強故
也鷓音骨鷓鵲並音嘲郊徒甘反鷺音學鷓九

勿反決呼穴反槍音鏘枋音方○二章詩緝齊
聖廣淵底至齊信生而徇齊皆言聖人之事此
言齊者止謂整肅也○復扶又反○三章菽見
豳七月○爾雅果羸蒲盧注細腰蜂也俗呼爲
蠨螋又曰螟蛉桑蟲俗謂之桑蠋亦曰戎女解
頤新語說者考之不精乃謂蜾蠃取桑蟲負之
七日化爲其子雖揚雄亦有類我之說近人取
蜾蠃之巢毀而視之乃自有細卵如粟寄螟蛉
之身以養之其螟蛉不生不死蠢然在穴中久

則螟蛉盡枯其卵日益長大乃爲蜾蠃之形穴
竅而出蓋此物不獨取螟蛉亦取小蜘蛛寄卵
於蜘蛛腹脅之間蜘蛛亦不生不死久之蜘蛛
枯而其子乃成今人養晚蠶者蒼蠅亦寄卵於
蠶之身久之其卵爲蠅穴繭而出殆物類之相
似者列子純雉其名稱蜂莊子細腰者化說文
天地之性細腰純雉無子此皆信說詩者之言
也羸與羸同螭一結反螭一紅反螻無販反○
四章脊令見常棣○五章爾雅桑扈竊脂注俗

謂之青雀觜曲食肉好盜人脯肉脂膏因名疏
案釋獸竊毛皆謂淺毛此鳥其色不純故曰竊
八屬言竊者皆淺也且四色已具則竊脂者淺
白也埤雅案淮南子馬不食脂桑扈不啄粟非
廉也蓋桑扈一名而二種桑屬竊脂鵲鵲剖葦
此一種也桑扈竊脂棘扈竊丹此一種也蓋對
剖葦言者青質觜曲食肉好盜脂膏者也對竊
丹言者素質其翅與領皆鶯然而有文章者也
所謂交交桑扈率場啄粟者正以其性之盜竊

脂膏者言之故以啄粟爲失其性鴝丁么反鷓

力凋反○辟音闕○卒章隊音墜

小弁

小四十三
變二十一

太子宜臼被廢而作

經○五章公是先生七經小傳鹿足伎伎顧其子

也雉求其雌求其妃也言王放逐太子曾不如

鹿廢黜申后曾不如雉木壞則無枝無枝則木

死亦若王受讒放逐太子自殘其嗣嗣誠殘王

亦且斃跡矣

一章總言怨慕之意二章憂國之將亡三章

言親不我子四章被黜而無所往五章無親
戚之可依六章怨其親之忍七章怨親之信
讒八章雖謹畏而終被黜篇內五心之憂矣
一曰云如之何其詞尙緩二曰疾如疾首則
切於身矣三曰不遑假寐則晝夜無有休止
四曰寧莫之知則無所告訴而倉卒急迫故
終之以涕隕也

傳○一章鴉匹卑二音爾雅鸞斯鴉鵠注疏雅鳥
也不反哺又曰楚鳥詩疏此鳥名鸞而云斯者

語辭猶蓼彼蕭斯苑彼柳斯以劉孝標之博學
而類苑鳥部立鸞斯之目是不精也鵠音居閒
音閑○被平秘反六章同○語錄問小弁詩只
我罪伊何一句與舜於我何哉意同曰作小弁
者自是未到得舜地位蓋亦常人之情耳只我
罪伊何上面說何辜于天亦一似自以爲無罪
相似未可與舜同日而語○二章易以豉反慣
眊並見邶柏舟○三章孟子注廬井邑居各二
畝半以爲宅故爲五畝疏六尺爲步步百爲畝

畝百爲夫井方一里有田九百畝中爲公田八
家各受私田百畝公田十畝餘二十畝爲廬舍
是一家受二畝半也又周禮夫一廛注一廛城
邑之居蓋亦二畝半田作之時民皆出居田間
之廬以便耕穫農事旣畢則入居邑中之廬以
避風寒兩處皆樹以桑梓也○遺于貴反末屬
之屬殊玉反○四章淠乎計反類隔切今易匹
詣反○萑葦見秦蒹葭○五章詩緝鹿見人則
奔宜速矣而伎伎然舒緩者顧其羣也○妃音

配○六章隕音蘊從釋文据字書隕當作于敏
反隊與墜同先去聲○七章箋醕旅醕也疏醕
酬通用酬有二等既酢而酬賓者賓奠之不舉
謂之奠酬至三爵之後乃舉嚮者所奠之爵以
行之於後交錯相酬名曰旅酬謂眾相酬此喻
得讒卽受而行之故知是旅酬非奠酬也○夫
音扶題下同○卒章語錄問莫高匪山莫浚匪
泉君子無易由言耳屬于垣傳作賦體疑莫是
以上兩句與下兩句邪曰 是賦蓋以爲莫

高如山莫浚如泉而君子亦不可易其言亦恐
有人聞之也○末四句義見邶谷風 題下關

音彎射音石

巧言

小四十四
變二十二

大夫傷於讒

經○吳正傳此詩前三章刺聽讒者後三章刺讒

人○二章僭毛訓數側陰反鄭訓不信子念反

今傳謂僭始不信之端則當從鄭音○四章語

錄奕奕寢廟一章本意只是惡巧言讒譖之人

卻以奕奕寢廟與秩秩大猷起興蓋以其大者

與其小者便見其所見極大形於言者無非義理之極致○燠當作燠說文引詩作燠

一章呼天而言曰天爲民之父母乎而使天下之無罪者遭暴亂如此之大復言曰昊天震威已大使我遭暴亂而我自審實無罪辜乃爲人所譖爾上四句總言朝廷之事下四句乃言及已二章言小人欲行讒言每以小事試其上而讒實亂之階上人當知所好惡三章言上之人不明理知言而好疑多惑好

疑則信詛盟多惑則聽詐妄止共者止於敬
也讒人謬敬而欺以媚其上有若盜賊則明
告之王曰是非實敬也徒爲王之病爾四章
言人讒我也雖詭祕其事而我之度之也無
不知五章戒人毋用讒君子樹木必擇桂染
有用者樹之往來行言則心必辨之不可欺
也若碩言則當出諸口巧言而出諸口則取
羞辱而已卒章謂讒者居水側就其實而言
之細弱疾病之人他無所能而讒譖之謀亦